

1988 nr. 39 20. maí

Lög um bifreiðagjald

Tóku gildi 31. maí 1988. Breytt með 1. 6/1990 (tóku gildi 28. febr. 1990), 1. 11/1990 (tóku gildi 1. júlí 1990), 1. 92/1991 (tóku gildi 1. júlí 1992 nema 103. gr. sem tók gildi 9. jan. 1992), 1. 122/1993 (tóku gildi 1. jan. 1994), 1. 138/1995 (tóku gildi 29. des. 1995), 1. 56/1997 (tóku gildi 29. maí 1997), 1. 83/1998 (tóku gildi 1. júlí 1998 nema III. kafli sem tók gildi 24. júní 1998 og II. kafli sem tók gildi 11. okt. 1998), 1. 151/1998 (tóku gildi 1. jan. 1999 nema 3. og 5. gr. sem tóku gildi 11. febr. 1999; komu til framkvæmda skv. fyrirmelum í 13. gr.), 1. 37/2000 (tóku gildi 1. júlí 2000), 1. 148/2001 (tóku gildi 1. jan. 2002), 1. 131/2004 (tóku gildi 1. jan. 2005), 1. 137/2008 (tóku gildi 12. des. 2008), 1. 60/2009 (tóku gildi 30. maí 2009), 1. 130/2009 (tóku gildi 30. des. 2009 nema 7.–9. gr. og 13.–42. gr. sem tóku gildi 1. jan. 2010), 1. 136/2009 (tóku gildi 1. jan. 2010), 1. 156/2010 (tóku gildi 1. jan. 2011), 1. 126/2011 (tóku gildi 30. sept. 2011) og 1. 164/2011 (tóku gildi 30. des. 2011 nema 1.–2., 4.–5., 7., 15.–21., 24.–27., 29.–30. og 34.–39. gr. sem tóku gildi 1. jan. 2012; komu til framkvæmda skv. fyrirmelum í 40. gr.).

Ef í lögum þessum er getið um ráðherra eða ráðuneyti án þess að málnefnasvið sé tilgreint sérstaklega eða til þess vísað, er átt við fjármála- og efnahagsráðherra eða fjármála- og efnahagsráðuneyti sem fer með lög þessi.

■ 1. gr. [Gjaldskyld ökutæki.]¹⁾

□ Greiða skal til ríkissjóðs bifreiðagjald af bifreiðum sem skráðar eru hér á landi eins og nánar er ákveðið í lögum þessum.

□ Með gjaldskyldri bifreið samkvæmt lögum þessum er átt við vélknúið ökutæki sem uppfyllir eitt eða fleiri eftortalinna skilyrða:

a. Vélknúið ökutæki sem aðallega er ætlað til fólks- eða vörurflutninga og er á fjórum hjólum eða fleiri, eða á þremur hjólum, og er 400 kg að eigin þyngd eða meira og hannað er til hraðari aksturs en 30 km á klukkustund eða aka má svo hratt án verulegra breytinga.

b. Vélknúið ökutæki sem aðallega er ætlað til að draga annað ökutæki og hannað er til hraðari aksturs en 30 km á klukkustund.

c. Vélknúið ökutæki sem aðallega er ætlað til fólks- eða vörurflutninga eða til að draga annað ökutæki og er búið beltum og eftir atvikum stýrimeidum/stýrihjólmum og er 400 kg að eigin þyngd eða meira.

d. [Biflhjól sem hvorki telst bifreið né torfærutæki, er aðallega ætlað til fólks- eða vörurflutninga, er á tveimur hjólum, með eða án hliðarvagns, eða á þremur eða fleiri hjólum og er 400 kg að eigin þyngd eða meira.]²⁾

□ ...¹⁾

¹⁾ L. 37/2000, 1. gr. ²⁾ L. 156/2010, 9. gr.

■ 2. gr. [Fjárhæð gjaldsins.]¹⁾

□ [Bifreiðagjald á hverju gjaldtímbili miðast við skráða losun koltvíssýringa (CO₂) viðkomandi ökutækis. Skráð losun er mæld í grömmum á hvern ekinn kílómetra.

□ Bifreiðagjald ökutækis á hverju gjaldtímbili, að eigin þyngd 3.500 kg eða minna, skal vera [5.255 kr.]²⁾ fyrir losun allt að 121 grammars af skráðri kolefnislosun ökutækis en [126 kr.]²⁾ fyrir hvert gramm af skráðri losun umfram það.

□ Liggji upplýsingar um skráða losun koltvíssýringa viðkomandi ökutækis ekki fyrir skal losun ökutækis ákvörðuð sem 0,12 grómm á hvert kíló skráðrar eigin þyngdar ökutækisins að viðbættum 50 grómmum af koltvíssýringi.

□ Bifreiðagjald ökutækis, að eigin þyngd meira en 3.500 kg, á hverju gjaldtímbili er [49.229 kr.]²⁾ að viðbættum [2,10 kr.]²⁾ fyrir hvert kíló skráðrar eigin þyngdar ökutækis umfram 3.500 kg. Bifreiðagjald ökutækis, að eigin þyngd meira en 3.500 kg, skal þó ekki vera hærra en [77.495 kr.]²⁾ á hverju gjaldtímbili.]³⁾

¹⁾ L. 37/2000, 2. gr. ²⁾ L. 164/2011, 27. gr. ³⁾ L. 156/2010, 10. gr.

■ 3. gr. [Gjalddagar, eindagar og gjaldskyldir aðilar.]¹⁾

□ Gjalddagar bifreiðagjalds eru 1. janúar ár hvert vegna

gjaldtímbilsins 1. janúar til 30. júní og 1. júlí ár hvert vegna gjaldtímbilsins 1. júlí til 31. desember ...²⁾ [Eindagar bifreiðagjalds eru 15. febrúar og 15. ágúst ár hvert.]²⁾ Skal gjald-ið innheimtað bar sem bifreið er skráð á gjalddaga.

□ Gjald vegna nýskráðra bifreiða skal greiðast í hlutfalli við skráningartíma þeirra á gjaldtímbabilinu og telst gjaldskyldan frá og með afhendingu skráningarmerkis. ...¹⁾ Gjald vegna nýskráðra bifreiða fellur í eindaga við skráningu.

□ Bifreiðagjald skal sá greiða sem er skráður eigandi á gjalddaga. Hafi orðið eigandaskipti að bifreið án þess að þau hafi verið tilkynnt til skráningar hvílir greiðsluskyldan jafnframt á hinum nýja eiganda.

□ Eigi skal endurgreiða gjald af bifreið sem greitt hefur verið af þótt eigandaskipti verði, hún flutt í annað skráningarum-dæmi eða afskráð. Gildir greiðslan fyrir bifreiðina hver sem eigandi hennar er eða hvert sem hún er flutt á landinu.

□ ...¹⁾

□ [Ef bifreiðir sem hafa verið undanþegnar bifreiðagjaldi skv. d-lið 4. gr. eru settar á skráningarmerki að nýju skal greiða bifreiðagjald í hlutfalli við þann tíma sem eftir er af gjaldtímbabilinu og hefst gjaldskyldan frá og með afhendingu skráningarmerkis. Gjald vegna skráðra bifreiða sem skráningarmerki eru sett á að nýju fellur í eindaga við afhendingu skráningarmerkis.]

□ Við afskráningu bifreiða skal endurgreiða eða fella niður bifreiðagjald í hlutfalli við þann tíma sem eftir er af því gjaldtímbili sem er að líða þegar afskráning fer fram.]¹⁾

¹⁾ L. 37/2000, 3. gr. ²⁾ L. 138/1995, 2. gr.

■ 4. gr. Undanþága frá gjaldskyldu.

□ Eftirfarandi bifreiðir skulu undanþegnar bifreiðagjaldi:

a. Bifreiðir í eigu þeirra sem fá greiddan örorkustyrk, ör-orkulífeyrir, bensínstyrk eða umönnunargreiðslur vegna ör-orku barna frá Tryggingastofnun ríkisins. Jafnframt eiga þeir örýrkjar sem notið hafa niðurfellingar skv. 1. málsl. rétt á nið-urfellingu ef þeir hafa öðlast rétt til ellilfeyrisgreiðslna eða dveljast á stofnun, sbr. 43. gr. laga nr. 117/1993, um almannatryggingar. Sama rétt eiga foreldrar langveikra og fjölfatlaðra barna sem vistuð eru utan heimilis ef réttur til umönnunargreiðslna héldist óskertur væri barnið heima. Réttur til nið-urfellingar bifreiðagjalds vegna þeirra sem fá greiddan örorkustyrk, örorkulífeyrir eða bensínstyrk er bundinn því skilyrði að bóta- eða styrkhafi sé í ökutækjaskrá annaðhvort skráður eigandi bifreiðar eða umráðamaður bifreiðar samkvæmt eignarleigusamningi. Réttur til niðurfellingar bifreiðagjalds af bifreiðum í eigu þeirra sem fá umönnunargreiðslur vegna örorku barna nær til einnar bifreiðar og er bundinn því skilyrði að skráður eigandi bifreiðar samkvæmt ökutækjaskrá fari með forsýja barnsins. Óheimilt er að fella niður bifreiðagjald af bifreiðum sem eru yfir 3.500 kg að eigin þyngd og nýttar eru í atvinnurekstri. Ef sá sem á rétt á niðurfellingu bifreiðagjalds á fleiri en eina bifreið skal bifreiðagjald fellt niður af þeirri bifreið sem er þyngst. Fyrir álagningu bifreiðagjalds skal Tryggingastofnun ríkisins senda ríkisskattstjóra upplýsingar um bifreiðaeign þeirra sem fá slíkar greiðslur frá stofnunni sem að framan greinir.

b. Bifreiðir í eigu björgunarsveita. Með björgunarsveit er átt við sjálfboðaliðasamtök sem hafa björgun mannslífa og verðmæta að aðalmarkmiði.

c. Bifreiðir sem eru eldri en 25 ára í upphafi gjaldárs, talið frá og með árgerðarári þeirra.

d. Bifreiðir þegar skráningarmerki hafa verið afhent skráningararaðila til varðveislu. Undanþága þessi miðast við

dagsetningu innlagnar skráningarmerkja. Jafnframt skal ríkisskattstjóri fella niður bifreiðagjald af ónýtum bifreiðum sem sannanlega hafa ekki verið í notkun á gjaldtímbilinu.

e. Bifreiðir sem tímabundið hafa verið fluttar úr landi. Framvísa ber útflutnings- og innflutningsskýrslum til sönnunar á tímabundnum útflutningi.

[f. Ökutæki sem framleidd eru og skráð með metan sem aðalorkugjafa eða hefur verið breytt þannig að þau geti nýtt metan og breytingin hlotið vottun skoðunarstöðvar skulu greiða lágmark bifreiðagjalds skv. 2. gr.]¹⁾]²⁾

¹⁾ L. 156/2010, 11. gr. ²⁾ L. 37/2000, 4. gr.

■ [5. gr.]¹⁾ [Aðalskoðun og skráning.]¹⁾

□ Við árlega aðalskoðun bifreiðar, sem gjaldskyld er samkvæmt þessum lögum, skal eigandi hennar eða umráðamaður fáera sönnur á að greitt hafi verið af henni gjaldfallið bifreiðagjald. [Eiganda eða umráðamanni bifreiðar er þó ekki skyld að fáera sönnur á að hafa greitt gjaldfallið bifreiðagjald fyrr en eftir eindaga.]²⁾ Að öðrum kosti skal skoðunarmaður neita um skoðun á bifreiðinni, taka af henni skráningarmerki og afhenda þau lögreglustjóra. Lögreglustjóri skal ekki afhenda þau aftur fyrr en færðar hafa verið sönnur á greiðslu bifreiðagjaldsins.

□ [Óheimilt er að skrá eigendaskipti að bifreið nema gjaldfallið bifreiðagjald hafi áður verið greitt.]²⁾

□ Ef bifreiðagjald er ekki greitt fyrr eindaga skal lögreglustjóri, eftir kröfu innheimtumanns, taka af bifreiðinni skráningarmerki til geymslu svo sem að framan segir.

□ [Skráning bifreiðar skal ekki fara fram nema gjaldfallið bifreiðagjald hafi áður verið greitt af henni.

□ Óheimilt er að afhenda skráningarmerki sem afhent hafa verið skráningaraðila til varðveislu nema greitt hafi verið fyrr í þann tíma sem eftir er af gjaldtímbilinu.]¹⁾

¹⁾ L. 37/2000, 5. gr. ²⁾ L. 138/1995, 3. gr.

■ [6. gr.]¹⁾ [Umsjón álagningar, innheimtu og endurgreiðslu.]

□ [Ríkisskattstjóri fer með]²⁾ álagningu bifreiðagjalds og aðra framkvæmd laganna. Innheimtu bifreiðagjalds annast tollstjórar og fer um reikningsskil eftir því sem [ráðherra]³⁾ ákveður. Heimilt er að fela skoðunarstöðvum innheimtu bifreiðagjalds.

□ Endurgreiðslu bifreiðagjalds vegna afskráningar eða innlagnar skráningarmerkja annast tollstjórar.

□ Bifreiðagjald nýtur lögtaksréttar.]¹⁾

¹⁾ L. 37/2000, 6. gr. ²⁾ L. 136/2009, 50. gr. ³⁾ L. 126/2011, 125. gr.

■ 7. gr. [Kæruleið.]

□ Greiðanda bifreiðagjalds er heimilt að kæra til ríkisskattstjóra álagningu bifreiðagjalds skv. 6. gr. innan þrjátíu daga frá því að gjaldið var ákvarðað.

□ Úrskurði ríkisskattstjóra skv. 1. mgr. má skjóta til yfirskattanefndar samkvæmt ákvæðum laga nr. 30/1992, um yfirskattanefnd.

□ Um málsmæðferð að öðru leyti fer samkvæmt lögum nr. 3/1987, um fjárlöfun til vegagerðar, með síðari breytingum.]¹⁾

¹⁾ L. 37/2000, 8. gr.

■ [8. gr.]¹⁾ [Ýmis ákvæði.]¹⁾

□ Sé bifreiðagjald ekki greitt í síðasta lagi á eindaga skal greiða ríkissjóði dráttarvexti, sbr. III. kafla laga nr. 25/1987, af því sem ógreitt er talið frá og með gjalddaga.

¹⁾ L. 37/2000, 7. gr.

■ [9. gr.]¹⁾ [Ráðherra]²⁾ er heimilt að kveða nánar á um framkvæmd laga þessara í reglugerð.³⁾

¹⁾ L. 37/2000, 4. gr. ²⁾ L. 126/2011, 125. gr. ³⁾ Rg. 359/1998, sbr. 811/1998.

■ [10. gr.]¹⁾ Lög þessi öðlast þegar gildi. . . .

¹⁾ L. 37/2000, 4. gr.

■ Ákvæði til bráðabirgða. . . .¹⁾

¹⁾ L. 37/2000, 9. gr.